

**MUP KANTONA SARAJEVO**  
**UPRAVA POLICIJE**  
**Jedinica za profesionalne standarde**  
**Depeša broj 02/7- 9 /18**  
**Sarajevo, 12.03.2018.godine**

„VD N“

- Ured policijskog komesara - šefu Ureda
- Sektor uniformisane policije - načelniku
- Sektor kriminalističke policije - načelniku
- Sektor za policijsku podršku - načelniku
- Sektor za pravne, kadrovske, logističke poslove, edukaciju i analitiku – pomoćniku policijskog komesara
- Sektor za materijalno-finansijske poslove - pomoćniku policijskog komesara
- Jedinica za profesionalne standarde - načelniku
- Prva policijska uprava - načelniku
- Druga policijska uprava - načelniku
- Treća policijska uprava - načelniku
- Četvrta policijska uprava - načelniku
- Peta policijska uprava - načelniku
- Šesta policijska uprava - načelniku
- Sedma policijska uprava – načelniku

Donošenjem Programa rada Uprave policije za 2018. godinu, postavljeni su jasni ciljevi koji su prioritetno usmjereni na osiguranje života i imovine građana Kantona Sarajevo. Za realizaciju postavljenih ciljeva veoma je bitan, pored segmenta planiranja i organizacije i segment kontrolne izvršavanja službenih zadataka.

Podsjećam da je kontrola obavljanja službenih poslova i zadataka propisana Instrukcijom o pravilima ponašanja policijskih službenika Uprave policije, Ministarstva unutrašnjih poslova Kantona Sarajevo, broj 01-541/15, od 14.10.2015. godine. S tim u vezi član 26. stav (1) navedene Instrukcije propisuje da su rukovodioci organizacionih jedinica dužni vršiti redovnu kontrolu izvršavanja službenih poslova i zadataka i ista obuhvata svakodnevni neposredan uvid u realizaciju poslova i zadataka koji se obavljaju u okviru unutrašnje organizacione jedinice. Nadalje, stav (2) propisuje da vanredna kontrola podrazumijeva plansku kontrolnu djelatnost na nivou Uprave policije i na nivou unutrašnjih organizacionih jedinica. Plan vanredne kontrole sačinjava se za svaki mjesec unaprijed i obuhvata imena rukovodnih policijskih službenika koji su uključeni u vršenje kontrole, te datum i vrijeme vršenja iste. Za svaku kontrolnu djelatnost izdaje se poseban nalog koji sadrži: ime rukovodnog policijskog službenika koji vrši kontrolnu djelatnost, datum i vrijeme vršenja kontrole, radna mjesta na kojima će se vršiti kontrola i zadatke prilikom vršenja kontrole. Po izvršenoj kontrolnoj djelatnosti rukovodni policijski službenik dužan je sačiniti pismeni izvještaj o stanju vršenja poslova i radnih zadataka koje je kontrolisao.

Skrećem pažnju da dosadašnji način vršenja kontrolne djelatnosti, koja je opisana u stavu (2), člana 26. pomenute Instrukcije, nije u potpunosti dao pozitivne rezultate, obzirom da se ista uglavnom svodila na radnje, kako bi se zadovoljila forma, a u praksi kontrolna djelatnost se vremenski planirala uglavnom u toku dnevnih sati i redovnog radnog vremena, da su kontrolnu djelatnost vršili i rukovodioci smjena, da nisu planirane i kontrolisane sve službe iz nadležnosti organizacione jedinice, da pojedini rukovodni radnici nisu izvršavali kontrolnu djelatnost, a naknodno su sačinjavali izvještaj kao da jesu, da vrijeme trajanja kontrolne djelatnosti nije adekvatno planirano za optimalno vršenje kontrolne djelatnosti i sl.

Radi prevazilaženja i eliminisanja negativnosti u dosadašnjem vršenju kontrolne djelatnosti i podizanja profesionalizma uposlenika Uprave policije na veći nivo, a što će u konačnici pozitivno uticati na ukupno bezbjednosno stanje u Kantonu Sarajevo, zadužujem rukovodioce organizacionih jedinica da:

- planiraju, organizuju i kontrolišu vršenje kontrolne djelatnosti, shodno članu 26. stav (2) pomenute Instrukcije, na način koji će dati najbolje rezultate rada, što uključuje kvalitetnu procjenu vremena vršenja kontrolne djelatnosti, službe koje je potrebno kontrolisati i dr.,
- sačinjene Planove kontrolne djelatnosti za svaki mjesec unaprijed (dostavljati do zadnjeg dana tekućeg mjeseca) i izvještaje o izvršenim kontrolnim djelatnostima, dostavljaju Sektoru uniformisane policije kako bi Odjeljenje za unutrašnji nadzor, koordinaciju i usmjeravanje kontinuirano poduzimalo mjere iz svoje nadležnosti,
- Odjeljenje za unutrašnji nadzor, koordinaciju i usmjeravanje u Sektoru uniformisane policije, prilikom planiranja redovnog i vanrednog unutrašnjeg nadzora, poseban akcenat će dati na nadzor provođenja kontrolne djelatnosti u organizacionim jedinicama.

Za realizaciju naloženih mjera i zadataka činim odgovorne rukovodioce organizacionih jedinica Uprave policije.

POLICIJSKI KOMESAR  
Generalni inspektor policije  
Mevludin Halilović

